

ერთი მხრივ, სსიპ „საგანგებო სიტუაციების კოორდინაციისა და გადაუდებელი დახმარების ცენტრი“, შემდგომში „შემსყიდველი“, წარმოდგენილი მისი დირექტორის ალექსანდრე კალანდიას სახით და მეორე მხრივ, შპს „თეგეტა თრაქ ენდ ბას“ შემდგომში „მიმწოდებელი“, წარმოდგენილი მისი დირექტორის ბექა ბერიძის სახით, ორივე ერთად წოდებული როგორც „მხარეები“, საქართველოს მოქმედი კანონმდებლობის, „სახელმწიფო შესყიდვების შესახებ“ საქართველოს კანონის 10¹ მუხლის პირველი პუნქტის, ამავე კანონის 16¹ მუხლის პირველი პუნქტის, „ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2017 წლის 14 ივნისის N12 ბრძანების მე-15 მუხლის პირველი პუნქტის და 33-ე მუხლის მე-5 პუნქტის შესაბამისად, ვდებთ წინამდებარე ხელშეკრულებას შემდეგზე:

ტერმინთა განმარტებები

„ხელშეკრულებაში“ გამოყენებულ ტერმინებს აქვს შემდეგი მნიშვნელობა:

- 1.1. „ხელშეკრულება სახელმწიფო შესყიდვის შესახებ“ (შემდგომში „ხელშეკრულება“) – „შემსყიდველსა“ და „მიმწოდებელს“ შორის დადებული „ხელშეკრულება“, რომელიც ხელმოწერილია მხარეთა მიერ, მასზე თანდართული ყველა დოკუმენტით და ასევე სხვა დოკუმენტაციით, რომელზეც ხელშეკრულებაში მინიშნებებია;
- 1.2. „ხელშეკრულების ღირებულება“ - თანხა, რომლის გადახდის ვალდებულება ეკისრება „შემსყიდველს“ „მიმწოდებლის“ მიერ „ხელშეკრულებით“ ნაკისრი ვალდებულებ(ებ)ის სრული და ზედმიწევნით შესრულებისთვის;
- 1.3. „შემსყიდველი“ - ორგანიზაცია, რომელიც ახორციელებს შესყიდვას;
- 1.4. „მიმწოდებელი“ - პირი, რომელიც ახორციელებს „საქონლის“ მიწოდებას „ხელშეკრულების“ პირობების შესაბამისად;
- 1.5. „მხარეები“ – „შემსყიდველი“, რომელიც ახორციელებს შესყიდვას და „მიმწოდებელი“, რომელიც ახორციელებს „საქონლის“ მიწოდებას, „ხელშეკრულების“ პირობების გათვალისწინებით;
- 1.6. „საქონელი/მომსახურება“ – „ხელშეკრულების“ მე-2 მუხლით გათვალისწინებული შესყიდვის ობიექტი;
- 1.7. „ტექნიკური დოკუმენტაცია“ – „მიმწოდებლის“ მიერ წარმოდგენილი ტექნიკური დოკუმენტაცია და ფასების ცხრილი, რომელიც შეესაბამება სატენდერო დოკუმენტაციით გათვალისწინებულ მოთხოვნებს, წარმოადგენს „ხელშეკრულების“ განუყოფელ ნაწილს და რომლის ნამდვილობაზეც პასუხს აგებს „მიმწოდებელი“ საქართველოს მოქმედი კანონმდებლობის შესაბამისად;
- 1.8. „ინსპექტირება“ – „ხელშეკრულების“ პირობების შესრულების კონტროლი და ზედამხედველობა.

2. ხელშეკრულების საგანი

- 2.1. სსიპ „საგანგებო სიტუაციების კოორდინაციისა და გადაუდებელი დახმარების ცენტრის“ სარგებლობაში არსებული 10 ერთეული HYUNDAI H350 მარკის ავტოსატრანსპორტო საშუალებისთვის ნაწილებისა და მასთან დაკავშირებული მომსახურების (CPV50110000 - სატრანსპორტო საშუალებების ნაწილებისა და მასთან დაკავშირებული მომსახურები) ელექტრონული ტენდერის (NAT210024227) საშუალებით შესყიდვა.
- 2.2. ავტოსატრანსპორტო საშუალებების ჩამონათვალი თან ერთვის ხელშეკრულებას დანართი 1-ს სახით და წარმოადგენს მის განუყოფელ ნაწილს.
- 2.3. „მომსახურების“ დეტალური აღწერა, რაოდენობა, ტექნიკური მახასიათებლები და ღირებულება, რომელიც „მიმწოდებლის“ მიერ წარმოდგენილია ელექტრონულ ტენდერში (NAT210024227), თან ერთვის „ხელშეკრულებას“ დანართი 2-ს სახით, რომელიც წარმოადგენს ხელშეკრულების განუყოფელ ნაწილს.

3. ხელშეკრულების ღირებულება

- 3.1. „ხელშეკრულების“ ჯამური ღირებულება შეადგენს 250 000 (ორას ორმოცდაათი ათასი) ლარს.
- 3.2. პრეისკურანტის ღირებულება შეადგენს 148708.00 (ას ორმოცდარვა ათას შვიდას რვა) ლარს.

წინამდებარე სატენდერო დოკუმენტაცია შედგენილია „სახელმწიფო შესყიდვების შესახებ“ საქართველოს კანონის 12¹ მუხლის და „ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2017 წლის 14 ივნისის N12 ბრძანების საფუძველზე.

3.3. „ხელშეკრულების“ საერთო ღირებულება მოიცავს „მიმწოდებლის“ მიერ „ხელშეკრულებით“ ნაკისრი ვალდებულებების შესრულებასთან დაკავშირებულ „მიმოწოდებლის“ ყველა ხარჯსა და საქართველოს კანონმდებლობით გათვალისწინებულ გადასახადებს.

4. საგარანტიო პირობები:

4.1. მიმწოდებელი იძლევა გარანტიას, რომ განხორციელებული მომსახურება და შეცვლილი სათადარიგო ნაწილები იქნება ხარისხიანი და შესაბამემა დადგენილ მოთხოვნებს.

4.2. გარანტია მიმწოდებლის მიერ გაწეულ მომსახურებაზე ან/და მომსახურების გაწევის დროს გამოყენებულ სათადარიგო ნაწილებზე ვრცელდება შესაბამისი მიღება-ჩაბარების აქტის გაფორმებიდან 6 (ექვსი) თვის განმავლობაში (გარდა სწრაფცვეთადი ნაწილებისა).

4.3. შეძენილ (ახალი) ან შეკეთებულ ძირითად აგრეგატებზე გარანტია განისაზღვრება 1 წელი.

4.4. შეძენილ (მეორად) ძირითად აგრეგატებზე, გარანტია განისაზღვრება 3 თვე, ხოლო სხვა ყველა მეორად დეტალზე 6 თვე.

4.5. სამუხრუჭე ხუნდებზე გარანტია განისაზღვრება 10,000 კმ.

4.6. სამუხრუჭე დისკებზე გარანტია განისაზღვრება არანაკლებ 10,000 კმ.

4.7. ჰაერის ფილტრზე 10,000 კმ.

4.8. საწვავის ფილტრზე 10,000 კმ.

4.9. კონდენციონერის ფილტრზე 10,000 კმ.

4.10. მინის მწმენდებზე, ნათურებზე და მტვერდამცავებზე 30 დღე.

4.11. გადაბმულობის კომპლექტზე 30,000 კმ.

4.12. კონდენციონერის კომპრესორზე გარანტია განისაზღვრება 1 წელი.

4.13. დინამოს, კონდენციონერის და საჭის ჰიდროგამაძლიერებლის ღვედზე 3 თვე.

4.14. გადაცემათა კოლოფის, გამაძლიერებელი კოლოფის, წამყვანი ხიდების ზეთზე გარანტია განისაზღვრება 35,000 კმ.

4.15. ძრავის ღვედებზე გარანტია განისაზღვრება 25,000 კმ.

4.16. საგარანტიო პერიოდში მიმწოდებელი ვალდებულია დაუყოვნებლივ, შემსყიდველის ზედმეტი დანახარჯების გარეშე, აღმოფხვრას აღმოჩენილი წუნი/დაზიანება.

4.17. სამუხრუჭე ხუნდები არ უნდა აფუჭებდეს საყრდენ დისკოს, არ უნდა ჰქონდეს ეგრეთ წოდებული წრიპინის და ხრიალის ხმა, წინააღმდეგ შემთხვევაში, მიმწოდებელი საკუთარი ხარჯებით უზრუნველყოფს აღნიშნული წუნის/ნაკლის აღმოფხვრას, შემსყიდველის მხრიდან დამატებითი დანახარჯების გაწევის გარეშე.

4.18. თუ მიმწოდებელი მომსახურების და სათადარიგო ნაწილის საგარანტიო ვადის ამოწურვამდე აღმოჩნდება ან გამოვლინდება ნაკლი ან/და დეფექტი (გარდა გარეგანი ფიზიკური დაზიანებისა), მიმწოდებელი ვალდებულია შემსყიდველის შეტყობინებიდან 3 (სამი) კალენდარულ დღეში (განსაკუთრებულ შემთხვევაში გონივრულ ვადაში) უზრუნველყოს ნაკლის ან/და დეფექტის აღმოფხვრა. იმ შემთხვევაში, თუ ნაკლის ან/და დეფექტის აღმოფხვრა არ ხერხდება, მიმწოდებელმა ნაკლიანი სათადარიგო ნაწილი უნდა შეცვალოს უნაკლო ან/და ახალი ნაწილით.

4.19. მიმწოდებლის მიზეზით ან დაუდევრობით შემსყიდველის ავტოსატრანსპორტო საშუალებისთვის მიყენებული ზიანის სრული ანაზღაურება ეკისრება მიმწოდებელს, რომლის დროსაც მიმწოდებელი ვალდებულია შემსყიდველის შეტყობინებიდან 3 (სამი) კალენდარულ დღეში (განსაკუთრებულ შემთხვევაში გონივრულ ვადაში) უზრუნველყოს ნაკლის ან/და დეფექტის აღმოფხვრა. იმ შემთხვევაში, თუ ნაკლის ან/და დეფექტის აღმოფხვრა არ ხერხდება, მიმწოდებელმა ნაკლიანი სათადარიგო ნაწილი უნდა შეცვალოს უნაკლო ან/და ახალი ნაწილით.

4.20. ავტოსატრანსპორტო საშუალების ეკუპატორით ტრანსპორტირების შემთხვევაში, თუ დადგინდება რომ ავტომობილის გადაადგილება შეუძლებელი გახდა საგარანტიო დეტალის დაზიანების გამო, ევაკუატორის ხარჯი ეკისრება მიმწოდებელს.

4.21. შესყიდვის ობიექტის მიწოდების შემდეგ, ხარვეზის ან/და გაუმართავობის აღმოჩენის შემთხვევაში, თუ იგი იქნება გამოწვეული „მიმწოდებლის“ ბრალეულობით, მიმწოდებელი ვალდებულია აღმოფხვრას გაუმართაობა, შეაკეთოს ან/და გამოცვალოს დაზიანებული ნაწილი ახლით, სატენდერო დოკუმენტაციის დადგენილი ვადების შესაბამისად.

5. მომსახურების მოწოდების პირობები:

5.1. მიმწოდებელი ვალდებულია შემსყიდველის სახელზე არსებული დანართ 1-ში მოცემული **10 ერთეული HYUNDAI H350 მარკის** ავტოსატრანსპორტო საშუალების შეკეთება/ტექნიკური მომსახურება განახორციელოს, დანართი 2-ის (პრეისკურანტი) შესაბამისად.

5.2. ავტოსატრანსპორტო საშუალებების ტექნიკური მომსახურება უნდა განხორციელდეს მიმწოდებლისა და შემსყიდველის წარმომადგენლების მიერ თითოეულ კონკრეტულ შემთხვევაში ავტოსატრანსპორტო საშუალებების დათვალიერების აქტის შედგენის შემდეგ. ავტოსატრანსპორტო საშუალებების ტექნიკური მომსახურების შესყიდვისას გასაწევი მომსახურების დეტალური აღწერა უნდა იყოს მოცემული შემსყიდველისა და მიმწოდებლის მიერ შედგენილი დათვალიერების აქტში, აგრეთვე მომსახურების დაწყებისა და დასრულების სავალდებულო ან სასურველი ვადები.

5.3. „მიმწოდებელი“ ვალდებულია ავტოსატრანსპორტო საშუალებების მომსახურების გაწევისას უსასყიდლოდ დაწვრილებით შეამოწმოს, მისი დეტალებისა და აღჭურვილობის გამართულობა. ჩატაროს რეგულარული და სრული შემოწმება, რაც საშუალებას მოგვცემს უმაღლეს დონეზე შენარჩუნდეს მისი უსაფრთხოება და გამართულობა. „მიმწოდებელი“ პასუხისმგებელია დაყენებული/შეცვლილი დეტალის, მასალის, მომსახურების ხარისხზე.

5.4. მიმწოდებელი ვალდებულია მომსახურება განახორციელოს მოთხოვნისთანავე, რიგგარეშე, ოპერატიულად და შეუფერხებლად.

5.5. იმ შემთხვევაში, თუ აღმოჩნდება, რომ მიმწოდებლის მიერ არ არის სრულყოფილად შესრულებული მომსახურება და/ან შეცვლილი ნაწილი აღმოჩნდა წუნდებული, მიმწოდებელი ვალდებულია აღმოჩენილი ხარვეზი აღმოფხვრას საკუთარი სახსრებით.

5.6. იმ შემთხვევაში თუ, რომელიმე სერვის-ცენტრში „მიმწოდებელი“ ვერ უზრუნველყოფს ავტოსატრანსპორტო საშუალებების შეკეთებას და ავტოსატრანსპორტო საშუალება საჭიროებს სხვა სერვის-ცენტრში გადაყვანას, „მიმწოდებელი“ ვალდებულია სერვის-ცენტრებს შორის ავტოსატრანსპორტო საშუალების გადაადგილება უზრუნველყოს საკუთარი ხარჯებით.

5.7. „მიმწოდებელი“ იღებს ვალდებულებას უზრუნველყოს „შემსყიდველი“ ევაკუატორის მომსახურებით, შეტყობინების საფუძველზე საქართველოს მასშტაბით 24 (ოცდაოთხი) საათის განმავლობაში, ყოველდღიურ რეჟიმში.

5.8. „მიმწოდებელი“ ვალდებულია, უზრუნველყოს მისი სერვის-ჯგუფის, შეტყობინებაში მითითებულ ადგილას, გამოცხადება შეტყობინების მიღებიდან 1 (ერთი) სამუშაო დღის ვადაში ან/და რეგიონალურ სერვის-ცენტრში გაუწიოს მომსახურება შეტყობინების მიღებიდან 2 (ორი) სამუშაო დღეში.

5.9. მიმწოდებლის სერვის-ცენტრებს გააჩნიათ შემდეგი მანქანა-დანადგარები და აღჭურვილობა: შესაბამისი ავტოსატრანსპორტო საშუალების 3 (სამი) ამწე მექანიზმი, რომელთაგან 2 მუდმივად თავისუფალი იქნება ცენტრის ავტოსატრანსპორტო საშუალებისათვის. შესაბამისი ავტოსატრანსპორტო საშუალების კომპიუტერული დიაგნოსტიკისთვის საჭირო მოწყობილობა. თვლების შეყრის კომპიუტერული დანადგარი (რაზვალი). საბურავის დაშლა აწყოებისა და ბალანსირების დანადგარი. კონდიციონერის სისტემაში ფრეონის ჩასატუმბი აპარატი. დიაგნოსტიკის და აღდგენის დანადგარები.

5.10. მიმწოდებელი ხელშეკრულების გაფორმებიდან 10 (ათი) სამუშაო დღის ვადაში შესაბამისი ავტოსატრანსპორტო საშუალებებისთვის ექნება სასაწყობო მარაგი, რომელშიც შევა სავალი ნაწილის სწრაფცვთადი დეტალები, კერძოდ - სამუხრუჭე ხუნდები, სამუხრუჭე დისკები, გადაბმულობის კომპლექტი, მტვერდამცავები, ჰაერისა და კონდენციონერის ფილტრები, მინის მწმენდები. სამუშაო ფართობი დაფარული იქნება ბეტონით ან მსგავსი ტიპის ზედაპირით. ცენტრის წარმომადგენლისთვის გამოყოფილი იქნება სამუშაო კუთხე. სერვის-ცენტრ(ებ)ში დაცული იქნება ჰიგიენური და სახანძრო უსაფრთხოების ნორმები, მოქმედი კანონმდებლობის შესაბამისად.

6. მომსახურების მიწოდების ვადები:

6.1. მომსახურება უნდა განხორციელდეს ხელშეკრულების გაფორმებიდან 2022 წლის 31 დეკემბრის ჩათვლით. მომსახურების მიწოდება უნდა განხორციელდეს შემსყიდველის მოთხოვნისთანავე.

6.2. მომსახურების მოწოდებისას ვადა თითოეულ შემთხვევაში არ უნდა აღემატებოდეს:

6.2.1. სავალი ნაწილებისათვის არაუმეტეს 5 (ხუთი) სამუშაო დღეს.

6.2.2. ელექტროობისათვის არაუმეტეს 3 (სამი) სამუშაო დღეს.

6.2.3. აგრეგატების შეკეთების/შეცვლისთვის არაუმეტეს 15 (თხუთმეტი) სამუშაო დღეს.

6.2.4. სამღებრო/სათუნუქე სამუშაოებისათვის არაუმეტეს 15 (თხუთმეტი) სამუშაო დღეს.

6.2.5. ხანგრძლივი მომსახურების (ძრავის, სიჩქარეთა კოლოფის) გაწევის დრო არაუმეტეს 15 (თხუთმეტი) სამუშაო დღეს.

6.2.6. დეფიციტური სათადარიგო ნაწილებით უზრუნველყოფისას არაუმეტეს 20 (ოცი) სამუშაო დღეს.

6.2.7. სხვა დანარჩენ შემთხვევებში „შემსყიდველის“ მიერ მითითებულ გონივრულ ვადას.

7. მომსახურების მიწოდების ადგილები:

7.1. შესყიდვის ობიექტის მიწოდების ადგილად განისაზღვრება მიმწოდებლის შემდეგი სერვის-ცენტრები, რომლებიც მდებარეობენ შემდეგ მისამართზე:

7.1.1. ცენტრალური ფილიალი - ქ. თბილისი დ. აღმაშენებლის ხეივანი N129- 5 ბოქსი- 3 ანწე

7.1.2. პეპელას ფილიალი - ქ. თბილისი, კახეთის გზატკეცილი 15 - 5 ბოქსი, 3 ანწე

7.1.3. ქუთაისის ფილიალი - ნიკეას მე-9 ჩიხი N2ა - 5 ბოქსი, 3 ანწე

7.1.4. ფოთის ფილიალი - ლარნაკას N2 - 5 ბოქსი, 3 ანწე

7.1.5. ბათუმის ფილიალი - ლეონიძის 29, ხახულის და გაგარინის ქუჩების კვეთა - 5 ბოქსი, 3 ანწე

7.1.6. თელავის ფილიალი - ქ. თელავი, სოფ. ვარდისუბანი - 5 ბოქსი, 3 ანწე

7.1.7. ახალციხის ფილიალი - ქ. ახალციხე მიხეილ თამარაშვილის ქუჩა N69 - 4 ბოქსი, 3 ანწე

7.1.8. გორის ფილიალი - ქ. გორი, პუშკინის N2 - 3 ბოქსი, 3 ანწე

7.1.9. რუხის ფილიალი - ზუგდიდი, სოფელი რუხი - 4 ბოქსი, 3 ანწე

7.2. სერვის ცენტრების მუშაობის გრაფიკი შემდეგია: ყოველდღიურად (გარდა კვირა დღისა) 09:30 სთ–დან 18:30 სთ–მდე.

7.3. სერვის-ცენტრებს უნდა უნდა ქონდეს მიმწოდებლის მაიდენტიფიცირებელი ნიშნის/წარწერის მატარებელი, რომლებითაც მოხდება სერვის ცენტრის იდენტიფიცირება.

8. საქონლისა და მომსახურების მიღება-ჩაბარების წესი

8.1. „შემსყიდველის“ მხრიდან მიღება-ჩაბარების აქტ(ებ)ზე პასუხისმგებელი პირ(ებ)ია სსიპ „საგანგებო სიტუაციების კოორდინაციისა და გადაუდებელი დახმარების ცენტრის“ ლოგისტიკის დეპარტამენტის უფროსი ან ლოგისტიკის დეპარტამენტის ავტოპარკის სამმართველოს უფროსი.

8.2. შესყიდვის ობიექტი მიღებულად ჩაითვლება მხოლოდ მიღება-ჩაბარების აქტების გაფორმების შემდგომ.

9. ანგარიშსწორება

9.1. „საქონლის“ ღირებულების ანაზღაურება მოხდება უნაღდო ანგარიშსწორებით, ეროვნულ ვალუტა - ლარში.

9.2. ანგარიშსწორება „შემსყიდველის“ მიერ მოხდება „საქონლის“ მიწოდების თაობაზე მხარეთა შორის შესაბამისი მიღება-ჩაბარების აქტ(ებ)ის გაფორმებიდან და „მიმწოდებლის“ მიერ საქართველოს კანონმდებლობით გათვალისწინებული შესაბამისი საგადასახადო დოკუმენტაციის წარდგენიდან არაუგვიანეს 10 (ათი) სამუშაო დღის განმავლობაში.

9.3. მიღება-ჩაბარების აქტ(ებ)ის გაფორმებასთან ერთად, „მიმწოდებელი“ ვალდებულია წარმოუდგინოს „შემსყიდველს“ საქართველოს კანონმდებლობით გათვალისწინებული შესაბამისი საგადასახადო დოკუმენტაცია, წინააღმდეგ შემთხვევაში, „შემსყიდველს“ უფლება აქვს უარი თქვას ანგარიშსწორებაზე.

10. მხარეთა ვალდებულებები და უფლებები

10.1. „მიმწოდებელი“ ვალდებულია:

10.1.1. უზრუნველყოს „შემსყიდველისათვის“ „საქონლისა“ და „მომსახურების“ მიწოდება დროულად და ხარისხიანად.

10.1.2. უზრუნველყოს „შემსყიდველის“ მიერ ინსპექტირებისას გამოვლენილი დეფექტებისა და ნაკლოვანებების აღმოფხვრა დაუყოვნებლივ, საკუთარი ხარჯით.

10.1.3. დროულად განიხილოს „შემსყიდველის“ მიერ წამოჭრილი პრობლემები, რომლებიც დაკავშირებულია ხელშეკრულების შესრულებასთან.

10.1.4. „ხელშეკრულების“ გაფორმების შემდეგ „მიმწოდებელს“ არ აქვს უფლება „ხელშეკრულებით“ ნაკისრი ვალდებულებები განახორციელოს ქვეკონტრაქტორის მეშვეობით „შემსყიდველის“ წინასწარი წერილობითი თანხმობის გარეშე, ამასთანავე, „მიმწოდებელს“ უფლება არ აქვს მთლიანად ან ნაწილობრივ, „შემსყიდველის“ წერილობითი თანხმობის გარეშე, გადასცეს მესამე პირს „ხელშეკრულებით“ მისთვის მინიჭებული უფლება–მოვალეობანი.

10.2. **„შემსყიდველი“ ვალდებულია:**

10.2.1. მოახდინოს ანგარიშსწორება „მიმწოდებელთან“ ხელშეკრულების პირობების შესაბამისად.

10.3. **მხარეთა უფლება:**

10.3.1. „მიმწოდებელს“ უფლება აქვს:

10.3.2. „ხელშეკრულების“ ფარგლებში მოითხოვოს დროული და სრული დაფინანსება.

10.3.3. „შემსყიდველს“ უფლება აქვს:

10.3.4. ცალმხრივად შეწყვიტოს „ხელშეკრულების“ მოქმედება იმ შემთხვევაში, თუ „მიმწოდებელი“ ვერ უზრუნველყოფს ხელშეკრულებით ნაკისრი ვალდებულებების ჯეროვან შესრულებას. „ხელშეკრულება“ ცალმხრივად შეწყვეტილად ითვლება, აღნიშნულის შესახებ, „მიმწოდებლისადმი“ გაგზავნილ წერილობით შეტყობინებაში მითითებული ვადიდან.

11. ხელშეკრულების ინსპექტირება

11.1. „შემსყიდველი“ უფლებამოსილია ნებისმიერ დროს განახორციელოს „მიმწოდებლის“ მიერ „ხელშეკრულების“ შესრულების ინსპექტირება, რისთვისაც გამოყოფს უფლებამოსილ პირ(ებ)ს, ხოლო „მიმწოდებელი“ ვალდებულია ხელი შეუწყოს მას/მათ ინსპექტირების განხორციელებაში.

11.2. ინსპექტირებას განახორციელებს სსიპ „საგანგებო სიტუაციების კოორდინაციისა და გადაუდებელი დახმარების ცენტრის“ ლოგისტიკის დეპარტამენტის ავტოპარკის სამმართველოს თანამშრომლები.

11.3. ინსპექტირების განმახორციელებელი პირ(ებ)ის უფლება-მოვალეობები:

11.4. „მიმწოდებლის“ მიერ „ხელშეკრულებით“ ნაკისრი ვალდებულებების ხარისხისა და მიწოდების ვადების „ხელშეკრულების“ მოთხოვნებთან შესაბამისობის დადგენის მიზნით, სათანადო კონტროლის/ზედამხედველობის განხორციელება და საჭიროებიდან გამომდინარე, აღნიშნულის თაობაზე შესაბამისი ინსპექტირების დასკვნის მომზადება.

12. ფორს-მაჟორი

12.1. ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას თუ ხელშეკრულების შესრულების შეფერხება ან მისი ვალდებულებების შეუსრულებლობა არის ფორს-მაჟორული გარემოების შედეგი.

12.2. ამ ხელშეკრულებაში „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული „შემსყიდველისა“ ან/და „მიმწოდებლის“ შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეულ იქნეს ომით, სტიქიური მოვლენებით, ეპიდემიით, კარანტინით და „საქონლის“ მიწოდებაზე ემბარგოს დაწესებით, საბიუჯეტო ასიგნების მკვეთრი შემცირებით და სხვა.

12.3. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობის მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებოდნენ ფორს-მაჟორული გარემოებების ზეგავლენისაგან.

13. ხელშეკრულების შესრულების უზრუნველყოფის გარანტია

13.1. იმისათვის, რომ თავიდან აცილებული იქნას რისკი, წარმოქმნილი მიმწოდებლის მიერ სახელმწიფო შესყიდვის შესახებ ხელშეკრულებით ნაკისრი ვალდებულებების დარღვევის გამო, გამოიყენება სს თიბისი ბანკის მიერ 2022 წლის 05 იანვარს გაცემული N1525691-11789571 საბანკო გარანტია, 5000 (ხუთი ათასი) ლარის ოდენობით, სატენდერო პირობების შესაბამისად.

13.2. მიმწოდებლის მიერ ხელშეკრულებით გათვალისწინებული ვალდებულებების დარღვევის (ხელშეკრულებით გათვალისწინებული ვალდებულებების შესრულებაზე უარის თქმა, ვალდებულების უხარისხოდ, არაჯეროვნად, არასრულად შესრულება და სხვა) შემთხვევაში, შემსყიდველი უფლებამოსილია მიმწოდებელს საბანკო გარანტიით გათვალისწინებული თანხა არ დაუბრუნოს.

13.3. ხელშეკრულების შესრულების უზრუნველყოფის გარანტია არის უპირობო და გამოუთხოვადი შემსყიდველს აძლევს უფლებას გარანტიის გამცემი დაწესებულებიდან პირველი მოთხოვნისთანავე, ყოველგვარი დასაბუთების გარეშე, მიიღოს შესაბამისი თანხა.

13.4. მიმწოდებელს ხელშეკრულების შესრულების უზრუნველსაყოფად გაცემული საბანკო გარანტია, ხელშეკრულებით გათვალისწინებული ვალდებულებების სრულად და ჯეროვნად შესრულების შემთხვევაში დაუბრუნდება მხარეთა შორის შესყიდვის ობიექტის საბოლოო მიღება-ჩაბარების აქტის გაფორმების შემდეგ.

14. ხელშეკრულების პირობების გადასინჯვა

14.1. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია წინასწარ. ამავე დროს „შემსყიდველი“ არ არის ვალდებული წარუდგინოს „მიმწოდებელს“ რაიმე მტკიცებულებანი იმ გარემოებებთან დაკავშირებით, რომლების გამოც წარმოიშვა ხელშეკრულების პირობების შეცვლის აუცილებლობა.

14.2. ხელშეკრულების პირობების შეცვლა დაუშვებელია, თუ ამ ცვლილების შედეგად იზრდება ხელშეკრულების საერთო ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა.

14.3. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში დაუშვებელია თავდაპირველად დადებული ხელშეკრულების საერთო ღირებულების 10%-ზე მეტი ოდენობით გაზრდა.

14.4. ხელშეკრულების პირობების ნებისმიერი ცვლილება უნდა გაფორმდეს ხელშეკრულების დამატებითი შეთანხმების სახით, რომელიც ჩაითვლება ხელშეკრულების განუყოფელ ნაწილად.

15. ხელშეკრულების შესრულების შეფერხება

15.1. თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ 10 (ათი) დღის ვადაში უნდა აცნობოს მეორე მხარეს თავისი გადაწყვეტილება, აღნიშნულ გარემოებებთან დაკავშირებით. იმ შემთხვევაში, თუ ხელშეკრულების პირობების შესრულების შეფერხების გამო „მხარეები“ შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილებების შეტანის გზით.

16. ხელშეკრულების პირობების შეუსრულებლობა

16.1. ხელშეკრულების შეუსრულებლობის შემთხვევაში, „შემსყიდველი“ უფლებამოსილია დააკისროს „მიმწოდებელს“ პირგასამტეხლო ხელშეკრულების ღირებულების 10%-ის ოდენობით.

16.2. ხელშეკრულების პირობების არაჯეროვანი შესრულებისათვის (მათ შორის, ვალდებულების შესრულების ვადაგადაცილების დროს) „შემსყიდველი“ უფლებამოსილია დააკისროს „მიმწოდებელს“ პირგასამტეხლო შესასრულებელი ვალდებულების ღირებულების 0,02% ყოველ ვადაგადაცილებულ დღეზე.

16.3. საჯარო სანქციების გადახდა „მხარეებს“ არ ათავისუფლებს ძირითადი ვალდებულებების შესრულებისაგან.

16.4. იმ შემთხვევაში თუ „მიმწოდებელზე“ დაკისრებული პირგასამტეხლოს ჯამური თანხა გადააჭარბებს „ხელშეკრულების“ ღირებულების 2%-ს, „შემსყიდველი“ უფლებამოსილია შეწყვიტოს „ხელშეკრულება“ და მოსთხოვოს „მიმწოდებელს“ შესაბამისი პირგასამტეხლოს გადახდა.

16.5. ხელშეკრულების ნაწილობრივ შესრულების შემთხვევაში მიმწოდებელი იხდის შესასრულებელი (დარჩენილი) ვალდებულების შესაბამისი ღირებულების 5%-ს.

16.6. „პირგასამტეხლოს“ გადახდა უნდა განხორციელდეს „მხარის“ მიერ მეორე „მხარისადმი“ გაგზავნილ შესაბამის წერილში მითითებული ვადიდან არაუგვიანეს 15 (თხუთმეტი) კალენდარული დღის განმავლობაში.

17. სადაო საკითხების გადაწყვეტა

17.1. „შემსყიდველმა“ და „მიმწოდებელმა“ ყველა ღონე უნდა იხმარონ, რათა პირდაპირი მოლაპარაკებების პროცესში შეთანხმებით მოავგარონ ყველა უთანხმოება და დავა, რომელიც წარმოიშობა ხელშეკრულების პირობების შესრულებასთან დაკავშირებით.

17.2. თუ ასეთი მოლაპარაკებების დაწყებიდან 10 (ათი) დღის განმავლობაში „შემსყიდველი“ და „მიმწოდებელი“ ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია დადგენილი წესის მიხედვით მიმართოს საქართველოს შესაბამის სასამართლოს.

18. ხელშეკრულების შეწყვეტა

18.1. „შემსყიდველი“ უფლებამოსილია შეწყვიტოს წინამდებარე ხელშეკრულების მოქმედება, თუ მეორე მხარე ვერ უზრუნველყოფს თავისი ვალდებულებების შესრულებას, ან საქართველოს კანონმდებლობით დადგენილ სხვა შემთხვევებში.

18.2. „ხელშეკრულების“ ცალკეული პირობების მოქმედების შეწყვეტა არ ათავისუფლებს „მიმწოდებელს“ ხელშეკრულებით განსაზღვრული ვალდებულებების შესრულებისაგან.

18.3. „ხელშეკრულება“ აგრეთვე შეიძლება შეწყდეს მხარეთა წერილობითი შეთანხმების საფუძველზე.

19. ხელშეკრულების შესრულება

19.1. „ხელშეკრულება“ შესრულებულად ჩაითვლება „შემსყიდველის“ მიერ „ხელშეკრულების“ მე-7 მუხლით გათვალისწინებული პირობების შესრულების შემდეგ.

20. ხელშეკრულების მოქმედების ვადა

20.1. წინამდებარე „ხელშეკრულება“ ძალაში შედის მხარეთა მიერ ხელმოწერისთანავე.

20.2. „ხელშეკრულების“ მოქმედების ვადა განისაზღვრება 2023 წლის 01 თებერვლის ჩათვლით.

21. მხარეთა რეკვიზიტები

„შემსყიდველი“

სსიპ „საგანგებო სიტუაციების კოორდინაციისა

და გადაუდებელი დახმარების ცენტრი“

ს/კ: 205307960

იურიდიული მისამართი:

ქ.თბილისი, აკ.წერეთლის გამზ.#144

ფაქტიური მისამართი:

ქ.თბილისი, აკ.წერეთლის გამზ. #121

დაფინანსების წყარო:

სახელმწიფო ბიუჯეტი;

საბანკო რეკვიზიტები:

ხაზინის ერთიანი ანგარიში

ბანკის კოდი - TRESGE22

შიდა ანგარიში - 200122900

სახაზინო კოდი - 2703030701

მიმწოდებელი

შპს „თეგეტა თრაქ ენდ ბას“

ს/კ: 206239729

იურიდიული მისამართი: საქართველო, ქ.

თბილისი, საბურთალოს რაიონი, დ. აღმაშენებლის

ხეივანი N129

საბანკო რეკვიზიტები:

სს „თიბისი ბანკი“

ბანკის კოდი: TBCBGE22

ა/ა GE48TB1100000360200490

საკონტაქტო პირი : ლაშა ლაბარტყავა

ტელ : + 995 595 49 13 39

Mail : l.labartkava@ttb.ge

დირექტორი

ალექსანდრე კალანდია

დირექტორი

ბექა ბერიძე

სსიპ საგანგებო სიტუაციების კოორდინაციისა და გადაუდებელი დახმარების ცენტრის სახელზე
არსებული ჰიუნდაი H350 მოდელის ავტომობილების მონაცემები

N	ავტომანქანა	ავტომანქანის ტიპი	გამოშვების წელი	საიდენტიფიკაციო კოდი	სახ.ნომერი
1	HYUNDAI H350	რენიმობილი	2017	KMFAB17RPJK010830	EM238SC
2	HYUNDAI H350	რენიმობილი	2017	KMFAB17RPJK010829	EM235SC
3	HYUNDAI H350	რენიმობილი	2017	KMFAB17RPJK010830	EM236SC
4	HYUNDAI H350	რენიმობილი	2017	KMFAB17RPJK010834	EM232SC
5	HYUNDAI H350	რენიმობილი	2017	KMFAB17RPJK010838	EM234SC
6	HYUNDAI H350	რენიმობილი	2017	KMFAB17RPJK010835	EM237SC
7	HYUNDAI H350	რენიმობილი	2017	KMFAB17RPJK010837	EM233SC
8	HYUNDAI H350	რენიმობილი	2017	KMFAB17RPJK010831	EM239SC
9	HYUNDAI H350	რენიმობილი	2017	KMFAB17RPJK010833	EM231SC
10	HYUNDAI H350	რენიმობილი	2017	KMFAB17RPJK010832	EM240SC

ჰიუნდაი H350 მოდელის ავტოსატრანსპორტო საშუალებების პრეისკურანტი

N	ნაწილის/მომსახურების დასახელება	ნაწილის ფასი (ლარი)	მომსახურების ფასი (ლარი)	მთლიანი ღირებულება (ლარი)
1	220 გადამყვანის შეკეთება	-	255.00	255.00
2	ანტიფრიზის შეცვლა	-	46.00	46.00
3	ფრეონის ჩატუმბვა	-	34.50	34.50
4	გადაცემათა კოლოფის ზეთის შეცვლა	-	70.00	70.00
5	ჰიდრაულიკის ტუმბოს ზეთის შეცვლა	-	46.00	46.00
6	რაზგაღის გასწორება	-	60.00	60.00
7	საბურავის მოხსნა-დაყენება, დაშლა-აწყობა, ბალანსირება	-	25.00	25.00
8	სამუხრუჭე სითხის შეცვლა	-	92.00	92.00
9	ხიდში ზეთის შეცვლა	-	35.00	35.00
10	ძრავის ზეთის და ზეთის ფილტრის შეცვლა	-	25.00	25.00
11	გადაცემათა კოლოფის აღდგენა	-	800.00	800.00
12	გაღების პულტის დაპროგრამება	-	180.00	180.00
13	გვერდითა კარის დაშლა აწყობა	-	230.00	230.00
14	ევაკუატორის მომსახურება (გამოძახება 20 ლარი)	-	3.45	3.45
15	ევაკუატორის მომსახურება (ქალაქ გარეთ)	-	2.30	2.30
16	ელ.მომსახურება	-	80.50	80.50
17	კომპ.დიაგნოსტიკა	-	46.00	46.00
18	კონდიციონერის აღდგენა	-	196.00	196.00
19	სამუხრუჭე სისტემის დაჭაერება	-	57.50	57.50
20	სამუხრუჭე შლანგის შეცვლა	-	115.00	115.00
21	საწვავის ავზის მ/დ გარეცხვა	-	230.00	230.00
22	საჭის კალონკის აღდგენა	-	201.25	201.25
23	საჭის კალონკის რეგულირება	-	205.00	205.00
24	სტარტერის მ/დ - რთული	-	140.00	140.00
25	ტურბინის აღდგენა	-	230.00	230.00
26	ფარის აღდგენა	-	57.50	57.50
27	ხელის მუხრუჭის რეგულირება სავალი ნაწილიდან	-	69.00	69.00
28	ხელის მუხრუჭის რეგულირება სალონიდან	-	23.00	23.00
29	ხიდის აღდგენა	-	140.00	140.00
30	ძრავი	57,600.00	1,800.00	59,400.00
31	მფრქვევანა (ფარსონკა)	2,000.00	100.00	2,100.00
32	ტურბინა	4,500.00	-	4,500.00
33	აალების სანთელი (სპირალი)	155.00	100.00	255.00
34	გადაცემათა კოლოფი	27,900.00	500.00	28,400.00
35	გადაბმულობის კომპლექტი	6,500.00	500.00	7,000.00
36	გიტარა წინა	1,550.00	100.00	1,650.00
37	გიტარა უკანა	2,750.00	100.00	2,850.00
38	წინა ამორტიზატორის ბალიში	450.00	120.00	570.00
39	მახვიკი	5,100.00	350.00	5,450.00
40	საჭის ღერძი	5,000.00	205.00	5,205.00
41	გადაბმულობის ქურო გადაბმულობის დისკით	2,200.00	400.00	2,600.00
42	წინა მორგვი (სტუპიცა)	1,440.00	92.00	1,532.00
43	ინტერქულერის რადიატორი	1,360.00	172.50	1,532.50
44	მინების მართვის ძირითადი ღილაკები	1,127.00	70.00	1,197.00
45	წინა დაკიდების ბერკეტი (გიტარა)	1,020.00	85.00	1,105.00
46	გადაბმულობის საკისარი	1,000.00	405.00	1,405.00
47	დროსელი	1,000.00	95.00	1,095.00
48	საწვავის ნასოსი	782.00	92.00	874.00
49	საჭის ღერძის წვევს დაბოლოება (ნაკანქნიკი)	750.00	60.00	810.00
50	წინა ამორტიზატორი	750.00	55.00	805.00
51	უკანა ამორტიზატორი	740.00	45.00	785.00
52	საჭის ღერძის შტურვალი	725.00	80.00	805.00
53	მინების რეგულირების ღილაკები	720.00	60.00	780.00
54	წინა სმუხრუჭე დისკო	600.00	70.00	670.00
55	უკანა სმუხრუჭე დისკო	575.00	65.00	640.00
56	საჭის ღერძის წვევა	560.00	60.00	620.00
57	წინა სამუხრუჭე ხუნდები	485.00	30.00	515.00
58	აკუმლატორი	437.00	23.00	460.00
59	კონდიციონერის ვენტილატორი	420.00	230.00	650.00

60	ხელის მუხრუჭის ხუნდები	380.00	60.00	440.00
61	ძრავის სამაგრი ბერკეტი	380.00	70.00	450.00
62	გაღების პულტი	368.00	-	368.00
63	გადაბმულობის ცილინდრი	365.00	92.00	457.00
64	გადაცემათა კოლოდის სამაგრი ბერკეტი	325.00	50.00	375.00
65	საჭის ელექტრო კონტაქტი (შლეიფი)	315.00	46.00	361.00
66	უკანა სამუხრუჭე ხუნდები	310.00	35.00	345.00
67	დინამოს ღვედის დამჭიმი	287.00	85.00	372.00
68	კარის პეტლი გორგოლაჭი	250.00	57.50	307.50
69	ვინტილატორის ფრთა	200.00	57.50	257.50
70	სცეპლენიის პედალი	190.00	115.00	305.00
71	დინამოს ღვედი	180.00	80.00	260.00
72	კარის გარეთა სახელური	180.00	115.00	295.00
73	უკანა ღერო (სტერკენი)	170.00	30.00	200.00
74	ხელის მუხრუჭის გვარდი	160.00	50.00	210.00
75	გამათბობლის სანთელი	155.00	60.00	215.00
76	საწვავის (დიზელის) ფილტრი	155.00	70.00	225.00
77	დინამოს ღვედის გორგოლაჭი	140.00	80.00	220.00
78	წინა ღერო (სტერკენი)	140.00	30.00	170.00
79	წინა ამორტიზატორის სამაგრი ბალიში	130.00	45.00	175.00
80	წინა დაკიდების ბერკეტის მილისა	130.00	60.00	190.00
81	საყვერი	126.00	35.00	161.00
82	წინა ამორტიზატორის დარტყმის ამრიდი	120.00	45.00	165.00
83	უკანა ამორტიზატორის დარტყმის ამრიდი	115.00	35.00	150.00
84	მუხრუჭის შლანგი უკანა	110.00	28.75	138.75
85	კონდეციონერის (სალონის) ფილტრი	105.00	15.00	120.00
86	წინა საქარე მინის საწმენდი	100.00	6.00	106.00
87	კონდიციონერის ღვედი	95.00	50.00	145.00
88	ჰალოგენის ნათურა	92.00	30.00	122.00
89	ABS -ს დაჩიკი	75.00	60.00	135.00
90	ჰაერის ფილტრი	70.00	-	70.00
91	სამუხრუჭე სითხე	70.00	-	70.00
92	ზეთის ფილტრი	60.00	-	60.00
93	მშრალი ამორტიზატორის რეზინი უკანა	50.00	25.00	75.00
94	მშრალი ამორტიზატორის რეზინი წინა	50.00	30.00	80.00
95	საჭის ღერძის წვეას სამტკვერული	50.00	60.00	110.00
96	ტრავერსის დარტყმის ამრიდი	50.00	40.25	90.25
97	წინა ფარის ნათურა	46.00	20.00	66.00
98	ტრანსმისიის ზეთი	40.00	35.00	75.00
99	ფრეონის ჟონვის აღმოჩენა	34.00	35.00	69.00
100	გადაცემათა კოლოფის ზეთი	30.00	-	30.00
101	ჰიდრაულიკის ტუმბოს ზეთი	30.00	-	30.00
102	უკანა სტოპ ნათურა	30.00	15.00	45.00
103	წინა ამორტიზატორის სამტკვერული	30.00	45.00	75.00
104	ხიდის ზეთი	30.00	-	30.00
105	ძრავის ზეთი (სინთეტიკა)	30.00	-	30.00
106	გაბარტიის ნათურა	23.00	15.00	38.00
107	ანტიფრიზი	20.00	-	20.00
108	ყინვა გამძლე სითხე 1 ლ	20.00	-	20.00
109	ძრავის კარტერის ბოლტი	18.00	-	18.00
110	ფრეონი	15.00	-	15.00
111	მორგვის ბოლტი	14.00	60.00	74.00
112	საბურავის სამაგრი გაიკა	14.00	10.00	24.00
113	ბოლტი	14.00	46.00	60.00
114	შონკა	3.00	-	3.00
115	გარე რემნის რეგულირება	-	34.50	34.50
პრეისკურანტის ღირებულება		136,885.00	11,823.00	148,708.00



10073/109-42

05.01.2022

სს "თიბისი ბანკი", კორპორატიული საკრედიტო ადმინისტრაცია
JSC "TBC Bank", Head Office

ხელშეკრულების შესრულების საგარანტიო უზრუნველყოფა

საბანკო გარანტია N 11525691 11789571

თბილისი

2022 წლის 05 იანვარი

გარანტი: სს თიბისი ბანკი (ს/ნ 204854595)

გარანტის მისამართი: კ. მარჯანიშვილის ქ. #7, თბილისი 0102, საქართველო

პრინციპალი: შპს "თეგეტა თრაქტენ ბას" (ს/ნ 206239729)

ბენეფიციარი: სსიპ საგანგებო სიტუაციების კოორდინაციისა და გადაუდებელი დახმარების ცენტრი

საგარანტიო თანხა: 5,000.00 (ხუთი ათასი) ლარი

მხედველობაში ვიღებთ რა, რომ შპს "თეგეტა თრაქტენ ბას"-მა (შემდგომში „პრინციპალი“), ბენეფიციარის მიერ სსიპ საგანგებო სიტუაციების კოორდინაციისა და გადაუდებელი დახმარების ცენტრის 10 ერთეული HYUNDAI H350 ავტოსატრანსპორტო საშუალებების ნაწილებისა და მასთან დაკავშირებული მომსახურებების შესყიდვაზე გამოცხადებულ ტენდერში (#NAT210024227) წარდგენილი თავისი წინადადების შესაბამისად, იკისრა ვალდებულება წარმოადგინოს საბანკო გარანტია მასზე დაკისრებული ვალდებულებების შესრულების გარანტიის სახით, ბენეფიციართან გასაფორმებელ ხელშეკრულებაში (შემდგომში „ხელშეკრულება“) მითითებულ თანხაზე, ჩვენ, სს თიბისი ბანკი (მის.: საქართველო, ქ. თბილისი 0102, მარჯანიშვილის ქ. #7) (შემდგომში „გარანტი“), თანახმა ვართ გავცეთ პრინციპალის სახელზე ზემოთ აღნიშნული საბანკო გარანტია.

ამასთან დაკავშირებით, ვადასტურებთ რომ ვართ გარანტები და პასუხისმგებლები თქვენს წინაშე საერთო თანხაზე 5000 (ხუთი ათასი) ლარი და გამოუთხოვად და უპირობოდ (რაც გულისხმობს, რომ საგარანტიო თანხის ანაზღაურების შესახებ ბენეფიციარის წერილობით მოთხოვნაში მითითებული უნდა იყოს თუ რაში გამოიხატება პრინციპალის მიერ ვალდებულების დარღვევა, მოთხოვნისა და/ან მოთხოვნილი თანხის ყოველგვარი დასაბუთების და დოკუმენტალურად დადასტურების ვალდებულების გარეშე) ვკისრულობთ ზემოაღნიშნული თანხის გადახდას, პრინციპალის მიერ ხელშეკრულების პირობების დარღვევის საფუძველზე, თქვენი პირველივე წერილობითი მოთხოვნისთანავე 5 (ხუთი) სამუშაო დღის ვადაში.

ბენეფიციარის მოთხოვნა თანხის ანაზღაურებაზე წარმოდგენილ უნდა იქნეს წერილობითი ფორმით, სადაც მითითებული იქნება მოთხოვნილი თანხა და განმარტებული იქნება კონკრეტულად პრინციპალსა და ბენეფიციარს შორის გაფორმებული ხელშეკრულების რა პირობები იქნა დარღვეული პრინციპალის მხრიდან

გარანტია ძალაში რჩება 2023 წლის 10 მარტის ჩათვლით (შემდგომში „მოქმედების ვადა“).

აღნიშნულიდან გამომდინარე, ნებისმიერი მოთხოვნა ან პრეტენზია ბენეფიციარის მიერ წარმოდგენილი უნდა იქნეს საბანკო გარანტიის მოქმედების ვადის გასვლამდე, გარანტის ზემოთ მითითებულ მისამართზე.

საბანკო გარანტია ავტომატურად უქმდება:

- საბანკო გარანტიის ვადის გასვლით;
- ბენეფიციარის მიერ საბანკო გარანტიიდან გამომდინარე საკუთარ უფლებებზე წერილობით უარის თქმით;
- გარანტის მიერ საგარანტიო თანხის ბენეფიციარისთვის სრულად გადახდით.

წინამდებარე საბანკო გარანტია რეგულირდება საქართველოს კანონმდებლობით.

ს.ს. "თიბისი ბანკი"-ს წარმომადგენელი

გიორგი ვერძაძე

